

太上黃籙齋儀卷之三十三

歸九

太上黃籙齋儀卷之三十三

歸九

唐廣成先生杜光庭刪

三元中分行道

入戶

各禮師存念如法

衛靈

謠歌空洞

帝君存壇

五帝校錄

受符三官

備衛四門

東魔去奸

流鈴擲火

除穢焚殘

身佩金書

鍊液芝顏

玄虛素合

心動三關

騎獅跨鶴

控龍乘鸞

萬星守舍

千魔不干

道炁長存

萬仙委安

鳴法鼓二十四通

無上玄元太上道君召出臣身中三五功曹  
左右官使者侍香金童傳言散花玉女五帝

舞九

直符直日香官各三十二人出出者嚴裝關  
啓玄壇天帝神君當召此間土地里域真官  
正神以今奉為入意願得玉清道炁靈寶妙  
光下降流入臣等身中令臣所啓之言速達  
徑御

太上無極大道無形無名虛無自然金闕玉  
陛下

各稱法位

具位臣某等謹同誠上啓

虛無自然元始天尊無極大道太上大道君

大聖祖高上大道金闕玄元天皇大帝太上  
老君太上丈人無上玄老十方已得道大聖  
衆至真諸君丈人三十六天帝君玉虛上帝  
玉帝大帝東華南極西靈北真玄都玉京金  
闕七寶玄臺紫微上宮靈寶至真明皇道君

玄中大法師三界官屬一切真靈臣等宿以  
鴻因克承玄化負荷大法參佩寶文誠宜抗  
跡雲林栖神澹漠振衣下俗追友上真而大  
聖垂科元皇布教先當助國宣化濟物安人  
弘道立功廣被羣品凡有新告敢不上聞

歸九

二

讀詞

按如詞言理宜關奏齋主某上惟宗廟下及  
羣生希立善功廣弘嘉福況屬某元令節齋  
戒良辰

玉皇臨御於上方

萬聖校功於三境死生同福毫末無遺是思  
禱祝之儀以罄人臣之懇齋持法信崇設壇  
場臣等依按典儀凝神滌慮馳心絳闕拜手  
清都所期羽蓋雲軒依稀降鑒

高真上聖髣髴照臨溥海嶽以垂休而幽明  
而乎祐以今午朝行道請法衆等運茲初捻  
上香

願此香煙騰空徑上供養

無上至真道寶臣等歸身歸命首體投地仰  
依

太上三尊願以是功德上資社稷尊靈宗桃  
昭穆登真碧落垂貺皇圖

皇帝德洽義農功侔軒燧壽山益峻聖日增  
明車軌混同兵戈戢息星辰合度風雨順時  
太子諸王承乾繼聖后妃公主百辟庶寮福

歸九

三

社日新徽華克茂然後文懷遠俗武定艱危  
海外寰中同躋壽域今故燒香自歸依

師尊大聖衆至真之德得道之後升入無形  
和與道合真

以今午朝行道請法衆等運茲二捻上香

願此香煙騰空徑上供養

無上至真經寶臣等歸身歸命首體投地仰  
依

太上三尊願以是功德歸流泉曲寒庭艷都  
長夜陰宮地府一切幽靈次及齋主家九世

七玄億曾萬祖出重冥之境登太極之庭落  
北府之罪書遊神淨域上南宮之生籙證品  
仙階今故燒香自歸依

師尊大聖眾至真之德得道之後升入無形  
和與道合真

以今午朝行道請法衆等運茲三捻上香

願此香煙騰空徑上供養

無上至真師寶臣等歸身歸命首體投地仰

依

太上三尊願以是功德歸流天地之內道化

之中咸沐玄功俱承真祐齋主某災殃殄息

過咎蠲銷三界真靈潛增福祚九丹秘妙永

駐年齡內外齊安存亡並泰今故燒香自歸

依

師尊大聖衆至真之德得道之後升入無形

和與道合真

禮方

懺悔

各思九色圓象咽液命魔密呪

步虛旋遶

歸元

俯仰存太上

華景秀丹田

左顧提鬱儀

古眇携結璘

六度冠梵行

道德隨日新

宿命積福應

聞經若至親

天挺超世才

樂誦希微篇

冲虛太和氣

吐納流霞精

胎息靜百關

寥寥究三便

泥丸洞明景

遂成金華仙

魔王敬受事

故能朝諸天

皆從齋戒起

累功結宿緣

飛行凌太虛

提携高上人

旋憇玄景阿

仰觀劫仞臺

控轡適十方

逍遙太上京

相與坐蓮華

俯盼紫雲羅

恬然榮衛和

永享無期壽

積學為真人

萬椿奚足多

公子度靈符

大道師玄寂

昇仙友無英

龍駕倏來迎

太一捧洞章

舍利耀金姿

龍駕倏來迎

天尊盼雲輿

飄飄乘虛翔

香花若飛雪

飄飄乘虛翔

香花若飛雪

香花若飛雪

氛雷謁茂玄梁

三禮

臣等至心稽首禮

太上無極大道

臣等至心稽首禮

歸九

三十六部尊經

臣等至心稽首禮

玄中大法師

重稱法位

具位臣某等謹重伸上啓

太上無極大道元始天尊太上大道君太上  
老君無上玄老至真無極大道道德衆聖天  
尊至真大帝天帝三十六部尊經玄中大法  
師三師君上相上宰四司五帝三界官屬一  
切真靈臣等自惟幽賤被沐玄風擢品道階

列名真教觀三洞五文之奧披龍編鳳簡之  
書未能晦跡韜名窮林絕壑以期升舉永奉  
靈規而受法之初與三官有約義先濟物輔  
國化時行教立功用罄誠節令齋主某詞情  
懇禱爲國爲民龍綵效心香花質信請崇齋

法以報君親況三元爲大宥之辰存亡受福  
三景著大明之日幽顯開光玄都上宮紫微  
金闕萬天朝宴衆聖迴軒釋過舉功允當嘉  
節除災介福仰祝昌期臣等依按典章虔修  
齋直建壇行道法地象天燒香然燈照燭幽  
夜飄靈煙而上御佇真聖以遐臨願達精誠  
冀延景貺伏願

三清上聖八極高尊俯借威光下康國步鎮  
安社稷清肅寰區

皇帝兩曜齊明五山等壽濬鴻源而不極負

丹宸以無爲八海九圍干戈自息三邊六合  
鋒鏑不驚與三五以比崇越羲融而縱聖箕  
風畢雨調和而百穀有年舜日堯雲輝煥而  
萬方無事太子叶明離之象諸王齊磐石之  
貞六宮之內則允修百揆之忠規克著梯山

婦九

六

航海率奉睿謨異域殊封咸臻道化封疆靜  
肅遠近樂康疫毒不興災妖自殄然後九幽  
長夜之府三途六趣之鄉九祖三師並蒙開  
度齋主其積生過咎隨懺滌以清消衆厄千  
災賴真靈而洗蕩維新祿筭永享利貞內外

宗親俱獲元吉飛沉遂性蠢動安全天地之間物無失所上明

天尊弘慈之澤下副臣等歸命之誠謹啓以聞

發願

一願大道淡泊虛無安閑空寂澄清自居廣  
開法門教導頑夫皆蒙惠澤精苦自修預  
以同學普得升虛與天相保長存無憂  
二願諸天結氣澄清高虛廣覆保真固靈氣  
候調節四運和平國安民豐普天閑寧廣

濟一切惠達有生保天長存億劫不傾

三願土地覆載無窮安平不陷海淪不崩保

鎮家國兆民興從養生安死惠周十方禾

稼滋植營運日豐咸得厚載萬物皆從

四願日月二景高明無有勃蝕虧盈安清光

歸九

七

照諸天洞消暗冥保固劫運世祚和平普

加潤澤惠灑衆生

五願星辰與日月齊光轉燭照夜朗映十方

各安其位經緯直行保鎮家國無有災傷

六四海寧一普天興昌

六願四時隨節推遷景氣和調無有災患疫  
毒消滅普天安平五穀豐熟國富民歡

七願浮雲結烝聚煙飛空高澄蔭覆玄玄隱  
則無爲散則彌天神仙同居結友衆真惠  
流一切興國愛民普濟羣生人同劫年

八願風雨流灑無窮普加施泄受其發揚萬  
物滋生國儲民豐

九願五嶽各安其方巍巍包藏長爲仙宮安  
鎮國祚保天無終護度一切莫不仰宗

十願江海蕩蕩無極含容恢廓無細不植淵

奧柔惠潤加蠕息天人獲慶年同劫石  
十一願帝王國土日昌四鎮安睦兵革不揚  
天人歌唱吉應來翔敷教濟濟威化揚揚  
兆庶稱慶長樂未央

十二願煊飛蠢動已生未生咸蒙安全普得  
生成皆見元氣受陽之形草木果林經冬  
不零一切濟度靡不鮮榮和與道合真

復爐

香官使者左右龍虎君侍香諸靈官當令臣  
行香之所自然生金液丹碧芝英百靈衆真

交會在此洞按爐前令臣學道得道求仙得  
仙十方仙童玉女接待香煙傳臣向來所啓  
之言速達徑御  
太上無極大道無形無名虛無自然金闕玉  
陛下

出戶

賜九

八

太上黃籙齋儀卷之三十三

光緒

